

**Шілденің бірінші жексенбісі – Ұлттық домбыра күні*

Домбыра – ҰЛТТЫҢ ЖҮРЕК СОҒЫСЫ

ҚОС ІШЕКТІ ДОМБЫРАҒА ҚАЗАҚТЫҢ БҮКІЛ ТАРИХЫ СЫЙЫП ТҰРҒАНДАЙ КӨРІНЕДІ. ҚОС ІШЕП ҚАТАР КҮМБІРЛЕГЕНДЕ САЙЫН ДАЛАНЫҢ САМАЛЫ ЕСКЕНДЕЙ, БОЗ ДАЛАНЫҢ БОЗТОРҒАЙЫ ШЫРЫЛДАҒАНДАЙ, ҚАРТ КАСПИЙДІҢ ТОЛҚЫНЫ СЫР ШЕРТКЕНДЕЙ БОЛАДЫ. СОНДЫҚТАН ҚАЗАҚ ҮШІН ДОМБЫРА – ХАЛЫҚТЫҢ ЖАДЫН САҚТАҒАН ШЕЖІРЕ, ҰЛТТЫҢ ЖАН ДҮНИЕСІН СӨЙЛЕТКЕН АМАНАТ.

(Толығырақ 13-бетте)



ҚАЗАҚСТАН РЕСПУБЛИКАСЫ ПРЕЗИДЕНТІНІҢ ЖАРЛЫҒЫ

Қазақстан Республикасы Құрылтайының сайлауын тағайындау туралы

Қазақстан Республикасы Конституциясының 46-бабының 3) тармақшасына және 95-бабының 1-тармағына сәйкес ҚАЗҰЛЫ ЕТЕМІН:

1. Қазақстан Республикасы Құрылтайының депутаттарын сайлау 2026 жылғы 23 тамызға тағайындалсын.
2. Қазақстан Республикасының Орталық сайлау комиссиясы Қазақстан Республикасы Құрылтайының депутаттарын сайлауға дайындықты және оны өткізуді ұйымдастырсын.
3. Қазақстан Республикасының Үкіметі, астананың, облыстардың, республикалық маңызы бар қалалардың әкімдері Қазақстан Республикасы Құрылтайының депутаттарын сайлауды ұйымдастырушылық, материалдық-техникалық және қаржылық қамтамасыз ету жөніндегі барлық қажетті шараларды кідіріссіз қабылдасын.
4. Осы Жарлық жарияланған күнінен бастап колданысқа енгізіледі.

Қазақстан Республикасының
Президенті **Қ.ТОҚАЕВ**

Астана, Ақорда, 2026 жылғы 1 шілде
№1338



Суреттер редакция мұрағатынан алынды



**Әлеуметтік мәселе*

Қайда барасыз? «... Алмалыға!»

ЖУЫРДА АТЫРАУДА АШЫЛҒАН «АЛМАЛЫ» ОҢАЛТУ ОРТАЛЫҒЫНАН ҚАЗІРДІҢ ӨЗІНДЕ 96 АДАМ ОҢАЛТУДАН ӨТТІ. ЗАМАНАУИ МЕДИЦИНАЛЫҚ ҚҰРАЛ-ЖАБДЫҚТАРМЕН ЖАБДЫҚТАЛҒАН ОРТАЛЫҚТЫҢ БІР МЕЗГІЛДЕ 150 АДАМҒА ДЕЙІН ҚАБЫЛДАП, КЕШЕНДІ ОҢАЛТУ ҚЫЗМЕТТЕРІН КӨРСЕТУГЕ МҮМКІНДІГІ БАР.

Орталық директоры Анар Каюпованың мәліметінше, әрбір қызмет алушының денсаулық жағдайына сәйкес жеке оңалту бағдарламасы әзірленіп, тәжірибелі мамандардың қатысуымен қажетті емдік және сауықтыру шаралары жүргізіледі. Мекемеде әлеуметтік-тұрмыстық, медициналық, психологиялық, басқа да бағыттар бойынша кешенді қызметтер ұсынылады.

– Қазір орталықта 85 маман сңбек етеді. Олардың қатарында дәрігерлер, мейіргерлер, психологтар, логопедтер, дефектологтар және өзге де бейінді мамандар бар. Мекемеде бассейн,



гидротерапия, физиотерапия, парафинмен емдеу, механотерапия кабинеттері және арнайы жабдықталған спорт залдары жұмыс істейді, - деді орталық директоры.

Емдік дене шынықтыру залы заманауи тренажерлармен жабдықталған. Бұл қызмет алушылардың физикалық белсенділігін арттырып, денсаулығын қалпына келтіруге мүмкіндік береді. Орталықта медициналық оңалтумен қатар адамдардың қоғамға бейімделуіне де ерекше көңіл бөлінеді.

**Өңірлерде*

Шағын, бірақ әдемі парк

ИНДЕР АУДАНЫНЫҢ БӨДЕНЕ АУЫЛЫНДА ҚАЙТА ЖАҢҒЫРТУДАН ӨТКЕН АРДАГЕРЛЕР САЯБАҒЫ САЛТАНАТТЫ ТҮРДЕ ПАЙДАЛАНУҒА БЕРІЛДІ. ЖОБА АЯСЫНДА САЯБАҚ ТОЛЫҚ АБАТТАНДЫРЫЛЫП, ҚОҒАЛДАНДЫРУ ЖҰМЫСТАРЫ ЖҮРГІЗІЛДІ. СОНЫМЕН ҚАТАР АПАТТЫ ДЕП ТАНЫЛҒАН ТҰРҒЫН ҮЙ СҮРІЛІП, ОНЫҢ ОРНЫ САЯБАҚ АУМАҒЫНА ҚОСЫЛЫП, БАЛАЛАР ОЙЫН АЛАҢЫ САЛЫНДЫ.

Салтанатты ашылу рәсіміне аудан әкімі Серік Нсанбаев қатысып, ауылдық елді мекендердің инфрақұрылымын дамыту, тұрғындарға жайлы қоғамдық кеңістік қалыптастыру бағытындағы жұмыстар алдағы уақытта да жалғасатынын айтты. Жаңартылған саябақта балалардың жас ерекшелігіне сай заманауи ойын құрылғылары орнатылған. Сондай-ақ тұрғындардың бос уақытын тиімді өткізуі мен салауатты өмір салтын ұстануына жағдай жасау мақсатында воркаут алаңы, волейбол және баскетбол алаңдары салынды. Енді бұл демалыс орны ауыл тұрғындарының серуендеп, спортпен шұғылданатын қолайлы қоғамдық кеңістігіне айналады.

Бек АЙДАРӘЛИ

ҚОҒАМ ИГІЛІГІ

10

Әлеуметтік кәсіпкерлік.
ОЛ ҚАНДАЙ КӘСІПКЕРЛІК?



ҚАЗ-ҚАЛПЫНДА

12

«Мен өмірді сүйемін!..»



ҚОҒАМДЫҚ ТЫҢДАУ

14

Тариф тағы талқыға түсті



**Ауа райы*

Күннің жаманы болмайды

АТЫРАУДЫҢ АУА РАЙЫ АДАМ ТАҢҒАЛАРЛЫҚТАЙ ӨЗГЕРДІ. ЖАЗ КЕЛСЕ ТӨБЕНДІ ТЕСІП, МИҢЫНДЫ КЕПІРІТІН ЫСТЫҚ ЖОҚ ҚАЗІР. «ЕРТЕҢ АТЫРАУДА 40 ГРАДУС ЫСТЫҚ БОЛАДЫ» ДЕП АПТА САЙЫН ХАБАРЛАМА ЖІБЕРЕТІН СИНОПТИКТЕРДІҢ ӨЗДЕРІ БҰЛ ЖАҒДАЙҒА ТАҢ-ТАМАША СЕКІЛДІ.

(Соңы 12-бетте)



Коллаж жасаған – Дүркен МҰХАМБЕТАЛИЕВ